


AWIG - AWIG DESA ADAT
UNDISAN KELOD



KAMEDALANG OLIH :
KRAMA DESA ADAT
UNDISAN KELOD



KECAMATAN TEMBUKU
KABUPATEN DAERAH TINGKAT II BANGLI
WARSA 1995

PIDAGING

MAKA BINTANG AWIG - AWIG DESA ADAT UNDISAN KELOD

MURDA CITTA		WIDANG
SARGA I	ARAN LAN WEWIDANGAN DESA	1
SARGA II	PETITIS LAN PAMIKUKUH	2
SARGA III	SUKERTA TATA PAKRAMAN	3
	Palet 1 Indik Krama	3
	Palet 2 Indik Dulun Desa Utawi Prajuru	5
	Palet 3 Indik Wali Desa	7
	Palet 4 Indik Kukul	7
	Palet 5 Indik Paruman	8
	Palet 6 Indik Druwen Desa	10
	Palet 7 Sukerta Pamitegep	11
	Kaping 1 Karang Tegal lan Carik	11
	Kaping 2 Pepayonan	12
	Kaping 3 Wewangunan	13
	Kaping 4 Wewalungan	13
	Kaping 5 Bhaya	14
	Kaping 6 Penyanggran Desa	15
	Kaping 7 Indik Pariwerta	15
SARGA IV	SUKERTA TATA AGAMA	16
	Palet 1 Indik Dewa Yadnya	16
	Palet 2 Indik Rsi Yadnya	20
	Palet 3 Indik Pitra Yadnya	21
	Palet 4 Indik Manusa Yadnya	26
	palet 5 Indik Bhuta Yadnya	27
SARGA V	SUKERTA TATA PAWONGAN	28
	Palet 1 Indik Pawiwahan	28
	Palet 2 Indik Nyapian	31
	Palet 3 Indik Sentana	33
	Palet 4 Indik Warisan	34

Pawongan

Palembaran

Pawangan

Pawangan

SARGA VI	WICARA LAN PAMIDANDA	37
	Palet 1 Indik Wicara	37
	Palet 2 Indik Pamidanda	37
	Palet 3 Indik Rerampagan	38
SARGA VII	NGUWAH - NGUWUHIN AWIG - AWIG	39
SARGA VIII	PAMUPUT	39

MURDHA — CITTA

Om Awignamastu nama sidham

Putusing Paseban Krama Desa Adat Undisan Kelod gumawe Awig-awig Desa Pekraman maka sepat siku-siku pematut, wastu kasidan Prayojanan Mami kabeh presama angidepaken muah amanggehaken kadi linging Awig-Awig-iki.

Desa Adat wantah marupa pasayuban Krama Desa rauning kula warga pawongannya, manut dresta kemanggehang Bhuwana Agung, pawongannya soang-soang pinaka Bhuwana Alit. Kalih malarapan cantu Jagathita, sinanggeh murdhaning prayojana pangriptaning Awig-Awig.

SARGA I

ARAN LAN WEWIDANGAN DESA

Pawos I

- (1) Desa Adat puniki mewasta Desa Adat Undisan Kelod.
- (2) Jebar Kakuwub wewidangannya mewates nyatur :
 - a. Sisih Wetan Tukad Bubuh
 - b. Sisih Kulon Tukad Barong
 - c. Sisih Lor Desa Adat Undisan Kaja
 - d. Sisih Kidul Ancut Tukad Bubuh lan Tukad Barong
- (3) Desa puniki kawanguin antuk karang, tegal lan carik Ayah Desa sanc kabawos tanah ayahan Desa, turmaning kepah dados petang Banjar Tempekan luire :
 1. Banjar Tempek Salakan utawi Mekar Sari
 2. Banjar Tempek Belong utawi Loka Sari
 3. Banjar Tempek Penyungsungan utawi Karya Sari
 4. Banjar Tempek Keloh Kauh utawi Bukit Sari

SARGA II
PETITIS LAN PAMIKUKUH
Pawos 2

- (1) Desa Adat Undisan Kelod ngemanggehang Pamikukuh minakadi
 - a. Pancasila
 - b. Undang - Undang Dasar 1945
 - c. Tri Hita Karana manut sada cara Agama Hindu

Pawos 3

- (1) Luwir patitis Desa Adat Undisan Kelod
 - a. Mikukuhang miwah ngerajegang Sang Hyang Agama
 - b. Nginggilang tata prawertine meagama
 - c. Ngerajegang pasukertan Desa saha pawongnya sekala kelawan niskala
 - d. Mikukuhin Awig-awig, pararem lan pasuara

SARGAH III
SUKERTAN TATA PEKRAMAN
Palet 1
Indik Krama
Pawos 4

- (1) Sahanan sang jenek maupumahan di Desa Adat Undisan Kelod sane meagama Hindu tur nyungkemin Kahyangan Tiga sinanggeh Desa Adat Undisan Kelod.
- (2) Sejaba punika sinanggeh *Tamiyu*

Pawos 5

Krama Desa wenten 5 (limang) pawos luwire :

- a. Krama ngarep, Kulawarga sane ngamong tanah Ayah Desa, minakadi ngamong karang, tegal miwah carik Ayah Desa
- b. Krama Batan Pahan *(Banjar Karang)* kulawarga sane ngamong karang kemawon miwah utawi carik utawi tegal Ayah Desa

- c. Krama Bale Angkep, Kulawarga sane tanpa ngamong tanah ayah Desa sakewanten sampun mawiwaha kebawos Krama Banjar Patus.
- d. Sekaa Teruna kulawarga sane ngawit mayusa 13 (telulas) warsa ngantos 40 (petang dasa) warsa sane durung mawiwaha.

Pawos 6

- (1) Ngawit patut dados Krama Desa
 - a. Sangkaning ngamong utawi mawiwit numbas, ngidih, ngewaris lan sepenunggilannya tanah Ayah Desa.
 - b. Mawiwit pawiwahan. ✓
 - c. Sangkaning pinunas ngeraga utawi sangkaning jenek mapaumahan tampek wewidangan Desa Adat Undisan Kelod saha kacumponin olih Krama miwah Prajuru kangkat ngeranjing mekrama Desa Bala Angket.

Pawos 7

- (1) Panemayan tedun mekrama Desa :
 - a. Nyabran sasih Kesanga saha mejalaran antuk tatenggeran sadereng arep mekrama.
 - b. Ngantos 6 (enein) sasih mawih Pawiwahan
 - c. Santana waris sane patut ngayah polih galah asangkepan, sesampune katingalan.

Pawos 8

- (1) Sehasilan Krama Desa keni tetegenan (ayah - ayahan) luwire :
 - a. Ayah nyumek mapiteges miwah ayahan mamungkul sakeng Krama ngarep.
 - b. Ayah Batan Pahan mapiteges ayah miwah urunan separo saking Krama Ngarep. ∩
 - c. Ayahan Tapukan keni urunan mamungkul yening Krama ngarep utawi separo, yening Krama Batan Pahan sakewanten kaluputang sakeng ayah-ayah. ∩
 - d. Ayah Bala Angkep keni ayah miwah urunan manut perarem. ?
 - e. Krama Desa sane balu keni patedunan manut kawentenan. ?
 - f. Sekaa Teruna keni ayah-ayahan sekadi swadharmaning deha teruna manut pinunas Krama Desa lan pituduh Prajuru. ?

g. Prade rikalaning ngayah wenten sinalih tunggil Krama matilar sadereng puput karya, wenang Krama inucap keni pamidanda tajak laler ?

- (2) Soang-soang Krama Desa sane ngerobang keluarga sajeroning mayusa 7 (pitung) warsa ngantos 15 (molas) warsa patut ngamolihang kaweruhan saha karanjingang ring Sekolah ¹² (siya) warsa ngantos puput utawi ngamologang olihna, antuk Krama sane ngarobang inucap : prade mamurug wenang kedanda manut perarem, saha ngemarginin pidabdab sakeng guru Wisesa sajeroning nincapang kaweruhan

Pawos 9

- (1) Krama Desa kedadosang :
- Mapoangkid utawi tan tedun apisan, rikala meyadnyamanut pangelolika, matepetin, mapawangunan (ritatkala ngeraabin utawi nasarin) miwah keluasan masenger 3 (tigang) rahina, salengkungnyane patut wenten kebebasan Prajuru, lan tios - tiosan manut perarem.
 - Nyada : nyerhang ayah antuk Krama Ngarep utawi Batan Pahan lan mademang ayah mawit Krama Bala Angkep kangkat mawit sampun mayusa 60 (enem dasa) warsa saha patut nyada yening sampun mayusa 70 (pitung dasa) warsa, sejawaning wenten parindik tios manut perarem.
 - Luput petedunan kengin sangkaning dados sadaka, pemangku Desa, pemangku Kahyangan Tiga, sane cedangga banget tur tan madruwe roban sane patut nedunin, anak alit ubuh ngantos munggah daha teruna, lan sane tiosan manut perarem. ?
 - Nekel utawi ngampel ; nutug ayah antuk berana manut paetangan Desa sangkaning kajudi antuk sang mawang rat utawi jenek ring dura Desa ngerereh pekaryan.
 - Sane wenang nyuksukin inggih punika sane sampun munggah daha teruna utawi sane sampun mresidayang nganutin Krama.

Pawos 10

Wusan dados Krama Desa Luwire

- Sangkaning :
 - Pinunas ngeraga sangkaning kesah kedura Desa utawi ngelangkung segara.

2. Kenorayang dwaning sampun tan prasida ngesehin solah maprawerti state
nguwig kecaping Awig-awig ?
 3. Seda utawi ceput
- b. Sang wusan mekrama
1. Patut ngaturang ayahannya ke Desa
 2. Tan polih pah · pahan sangkaning padruwen Desa, 'sejawaning pahan
padruwen Banjar manut perarem. ?
- c. Prade sang wusan mekrama pecak, ayat mekrama malih, kangkat yening
sampun kacumponin antuk Krama saha patut naur penaub mekrama manut
perarem. ?

Palet 2

Indik Dulun Desa Utawi Prajuru

Pawos 11

- (1) Desa Adat Undisan Kelod kaenter antuk Bendesa Adat.
- (2) Banjar utawi tempekan kaenter antuk Kelihan Banjar utawi Tempek.
- (3) Bendesa Adat lan Kelihan Banjar utawi Tempek patut :
 - a. Mawiwit sakeng Krama ngarep. ?
 - b. Keadegang melarapan antuk paruman, saha Prajuru soang-soang taler
keadegang nyabran 5 (limang) warsa, sejawaning wenten parindik. tios
kangkat kapilih malih.
 - c. Patut nincapang kaweruhan ring sulur agama lan Adat, turmaning tan ceda
angga, ceda budi lan sepenunggalannya saha kapialang antuk Uger-Uger
Panegara.
 - d. Maduluran Desa Saksi ring Pura Bale Agung
 - e. Sekaan Teruna kaenter antuk Klian Sekaa anut Awig-awig Sekaa Teruna
lan pituduh Dulun Desa

Pawos 12

- (1) Bendesa Adat kesanggra antuk
 - a. Pangliman utawi petajuh pinaka wakilnya.
 - b. Penyarikan pinaka juru surat.
 - c. Petengan pinaka pengamong druwen Desa.
 - d. Kesinoman Desa pinaka juru arah manut putusan perarem Desa lan kesinoman Tempek akehnyanne manut kawigunana saha magilir nyabran nemonin wali apisan
+ diisi + raga + ompul.
- (2) Kesoman akeh nia manut kawigunan saha magilir nyabran ngesasih.
- (3) Sajeroning ngenterang niskala Bendesa Adat mingsinggihang Pemangku Kahyangan Desa

Pawos 13

- (1) Swadharmaning Bendesa Adat luwure :
 - a. Ngenterang pengelaksanaan sedaging Awig-awig miwah perarem Desa.
 - b. Nuntun tur ngenterang Krama rauhing Warga Desa ngupadianut petitis.
 - c. Maka duta matemuang bawos ring sapa sira ugi.
- (2) Prade Prajuru iwang pengelaksana keni pamidanda nikel ring kaiwangan soang-soang saha kangkat keraryanang manut perarem

Pawos 14

Petias utawi olih - olihan Prajuru luwure :

- a. Polih tanding tengah.
- b. Luput rerampen.
- c. Polih upon pelaba tegal utawi carik.
- d. Petias sewosan manut perarem.

Pawos 15

- (1) Prajuru Desa kagentosin riantukan :
 - a. Seda.
 - b. Tutug panemaya.

- c. Wit sakeng pikayun rahayu pinunas ngeraga.
 - d. Kanorayang dwaning iwang pemargi nilar sesana
- (2) Ngenorayang utawi ngentosin Prajuru patut sajeroning paruman saha kaingkupin antuk Krama Desa.

Palet 3.

Indik Wali Desa

Pawos 16

- (1) Wali Desa akehnyane paling akeh 9 (siya) diri. ? *Pawos 16*
- (2) Wali Desa kapilih mawit sakeng Dadia utawi Banjar Tempek nyabran 5 (limang) warsa apisan sejawaning wenten parindik tios kangkat kapilih malih.

Pawos 17

- (1) Swadharmaning Wali Desa :
- a. Nitenin pemargi Prajuru Adat sejeroning ngenterang ring pekraman.
 - b. Patut mapaica Dharma tatimbang ring Prajuru yening katunasin utawi yadiastun tan katunasin.
 - c. Patut nureksain sakaluwir artha berana Desa utawi putusan-putusan Prajuru sane nganinin tategenan ring Krama sadereng kejarwakang ring Krama.
- (2) Petias utawi olih - olihan Wali Desa :
- 1. Polih tanding tengah
 - 2. Petias siosan manut perarem.
- (3) Prade Wali Desa iwang pengelaksana manut keni danda saha kangkat kekaryanang manut perarem. ?

Palet 4

Indik Kukul

Pawos 18

- (1) Kukul ring Desa luwire :
- a. Kukul Desa.
 - b. Kukul Banjar utawi Tempek.
 - c. Kukul Sekaa - sekaa.

- (2) Tabuh tatepakan Kukul Desa :
 - a. Kalih Tuludan alon, tengeran tedun ngayah utawi parum.
 - b. Atuludan Bulus, tengeran kapanca bhaya.
 - c. Limang kelentungan lambat tengeran patedunan wangde.
- (3) Tengeran Kukul ring soang - soang Banjar :
 - a. Ping siya lambat ciri ngerorod (pawiwahan).
 - c. Kukul Kelayu Sekaran (putus seda)
 1. Tigang kelentungan lambar tengeran mitahuang (kukul seda).
 2. Atuludan lambar selanturnya nedunan banjar.
 - c. Atuludan lambar selanturnya nedunan banjar.
 - d. Limang kelentungan lambat tengeran patedunan wangde.

Pawos 19

- (1) Kukul Desa utawi Banjar tan wenang katepak yaning tan sangkaning pituduh Prajuru, sejawaning tenggeran kepanca bhaya.
- (2) Sang nepak tan sangkaning pituduh patut digelis atur supeksa maka buatan panepake, yan tan mangkana wenang sang mamurug kedanda inanut perarem ?
- (3) Suaran Kukul, tengeran kepanca bhaya patut katedunin antuk Krama Desa saha makta gegawan anut bhaya.
- (4) Kukul sekaa - sekaa semaliha kukul pondokan - pondokanm, tan kalugra nyawerin (matehin) sukat utawi tenggeran kukul Desa prade mamurug wenang kedanda manut perarem. ?

Palet 5

Indik Paruman

Pawos 20

- (1) Paruman utawi sangkepan utawi Desa Adat Undisan Kelod wenten :
 - a. Paruman Desa Kawentenang :
 1. Nyabran ngesasih rikala Bhuda Kliwon tanpa arah - arah dwaning sampun panemaya, sejaba wenten parindik tios manut dedauhan.
 2. Napkala (Padgata kala) majalaran arah - arah saha matenggeran kukul manut tetujon.

- b. Paruman Banjar Tempek kawentenang manut perarem Banjar soang - soang
- c. Paruman Dulun Desa utawi Prajuru, lan Wali Desa kawentenang manut tetujon. ?
- d. Paruman sekaa - sekaa pabuat.
- (2) Paruman Desa utawi Banjar madudonan sekadi ring sor.
- a. Prasida lumaksana risampun katedunin antuk sang patut ngameletin saha sampun rarem, kerinyinan antuk tenggeran kulkul miwah mabusana nyalempot, medester saha tan kalugra makta gegawan sakaluwire, tan maren ngarcana ring Ida Bhagawan Panyarikan, maka sarana widhiwidana cane.
- b. Maka sarana janggi, pengawit kalaksanayang penyacak sepsep saha riwusannya nyacak, dadosan gung alit manut perarem. ?
- c. Tan kelugra ngewetuakan suara goro utawi byuta, yan hana mangkana, keni pamidanda pecamil kadi dandaning nguman-uman ring sabha. ?
- d. Pamutus bebawos beriuk sepanggul (ingkup) punika kemangghenag, prède tan prasida suara mekehan pinaka pamutus.
- (3) Prade pidaging tan kaingkupin mangda Prajuru Desa ngilikang bebawos saha putusannya mangda keraremin antuk Krama Desa bilih tan prasida kasungkemin jantos ping tiga Prajuru wenang nunas bawos ring sang ngawen wenang.

Pawos 21

- (1) Sajeroning paruman Desa, Bendesa Adat patut nyiarang pemergin ngenterang Desa, pamekas nganinin indik :
- a. Munjuk lungsuring pekraman saha ayah - ayah sulur artha berana druwen desa.
- b. Rencana Prajuru nganinin usaha Desa kapungkur, lan nyanggra pituduh - pituduh Guru Wisesa
- (2) Pamutus Paruman Desa sinaggeh perarem maka pamitegep penglaksanaan awig-awig.

Pawos 22

- (1) Sangkepan Prajuru / Dulun Desa kawenangan wantah ngerincikang pengerencana usaha Desa kapungkur.
- (2) Sangkepan Prajurit kawenang ngewedalang tetegenan ring krama sadereng kaingkupin antuk Krama Desa.
- (3) Pemutus sangkepan prajuru ngewetuang pasuara, maka pidaging pituduh sang ngawewenang utawi ngonekang perarem Krama Desa.

Palet 6

(Indik Druwen Desa)
Pawos 23

Padruwen Desa Adat Undisan Kelod, sekadi ring sor :

- a. Wewangunan suci mekadi parhyangan/penyiwian - penyiwian Desa Adat jangkep saha sarana upacara pebaktiannya.
- b. Wantilan Desa, Bale Banjar soang-soang Tempek.
- c. Tanah pelaba, Pura Carik wiadin pategalan saha jangkep tetandurannya.
- d. Tanah Ayah Desa.
- e. Setra apelebahan.
- f. Gong Barungan.
- g. Ilen - ilen sekadi : Rejang, Pendek, miwah Baris
- h. Pekarangan genah Pasar Desa Undisan.
- i. Lembaga Perkrediatan Desa (LPD)
- j. Tios - tiosan sane pacang manggeh druwen Desa.

Pawos 24

Olih - olihan Desa Adat Undisan Kelod luwire :

- a. Olih - olihan saking pelaba Pura.
- b. Urunan Krama Desa Adat.
- c. Paica saking Guru Wisesa
- d. Paica - paica utawi usaha tiosan sane patut.

Pawos 25

- (1) Prajuru Desa wenang ngetangang pamupon laba pura lan sepengungalan druwe Desa
- (2) Pikolih lan pamuponnya keanggen prabeya prodalan saha wewangunan ring pura miwah sane tiyosan
- (3) Nyabran pesangkepan Desa, Prajuru pengamong druwe Desa ngawentenang parindik munjuk lungsuring padruwe ring Krama Desa.
- (4) Sakaluwiring druwe Desa patut wenten ilikitannya.
- (5) Tan kalugra ngadol, nyepih utawi ngesahang padruweyan desa yan tan kasungkemin antuk Krama Desa.
- (6) Pidabdab indik kawentenang Lembaga Perkreditan Desa (LPD) manut perarem

Palet 1

Sukerta Pamitegep

Kaping 1

Karang, Tegal dan Carik

Pawos 26

- (1) Krama Desa pangamong Karang desa patut ngalinggih karang nyane, yening karang inucap tan kalinggihin lan kapiara ngantos kalih masa, anut pidabdab desa, karang inucap pacang kabawosin kapastiyang pamutus manut perarem.
- (2) Wates sisi kaler miwah kangin patut kekaryanin antuk Sang ngamong karang ayahan inucap sane mewasat magaleng keluwan, sejawaning tanah, tegal, carik utawi tanah Padruweyan ngeraga sane kapiara watese sisi kelod miwah kauh, reh punika mewasta magalang keteben
- (3) Krama Desa pengamong karang desa patut ngawastesin karang inucap antuk tembok saha mekarya tetaneman mangda asri, yan tan mangkana keni danda manut perarem.
- (4) Prade karasayang pagehan/turus inucap ngelikadin, yan pada arsa penyandinge- nganggen pinget kewanten kesaksi antuk Prajuru Desa utawi pracihna pal saking sang mawang rat.

- (5) Prade wenten karang kebebeng mangda kautsahayang wenten pemarginya.
- (6) Mekarya song embah manut lebahing banyu tur kaanutang ring kawentenan.
- (7) Soang - soang Krama tan kedadosang ngedol utawi ngesahang karang sane kagenahin sejeroning ngewangun pekarangan ring genah sane tiosan sadereng kaingkupin antuk krama.

Pawos 27

- (1) Sinalih tunggil Krama Desa tan kalugra
 - a. Ngalah-alah margi, tegal ayahan, karang desa lan sepenunggalannya.
 - b. Nagalah - alah tanah, tegak kahyangan, setra, lan sekancan tegak sinanggeh suci.
- (2) Prade wenten sekadi ring ajeng, sang ngalah - alah patut ngewaliang tanah inucap saha keni pamidanda sepatutnya, kadulurin upakara ring pengalah - alah tanah suci.

Kaping 2

P e p a y o n a n

Pawos 28

- (1) Ngawit nandur pepayonan utawi tanem tuwuh patut adepa agung ngajeroang sakeng wates, prade jantos ngeliwat wates wenang kesepat gantungin.
- (2) Yening wenten tetanduran ngungkulin, semaliha me-wastu mayanin kapisaga patut kewara antuk paiguman ping ajeng prasida sang neruwenang wit ngerubah utawi notor.
- (3) Prade sampun kewara taler tan wenten usaha sang neruwennag, wit sang rumasa katetehan utawi kajerihan wenang mesadok rin prajuru tur sisampun keparitatas kelugra ngicalang pepayonan inucap.
- (4) Sang keni pemidanda penyanggaskara saha prabea manut perarem arep ring wewangunan sang kerubuhan, luwire :
 - a. Sang neruwenang sang sinanggeh mayanin prade pungkut ngerubuhin wewangunan krama tios.
 - b. Sang notor munggul utawi ngebah taru tur ngerubuhin Krama tios.

- (5) Krama Desa patut ngamanggehang kawedion tanem tuwuh sang ngawinang desane asri tur lestari, saha tan kapatutang ngebah taru sadereng polih wak-wakan prajuru utawi pituduh guru Wisesa.

Kaping 3

Wewangunan

Pawos 29

- (1) Nyabran ngewangun patut :
- Mesadok ring prajuru, ping ajeng prade wewangunan nganinin wates.
 - Ngangge asta bhumi miwah gegulak asta kosala - kosali sanistane manut ring patitis niskala
 - Tan nyayunbin kapisaga
- (2) Prade wewangunan jantos nyayubin bilih - bilih temboke ring telengin wates, risampun kewara tur kesodakang ring Prajuru, wenang kedanda manut perarem saha tembok inucap kebugar utawi sanistane mangda kekaryanang abangan.

Kaping 4

Wewalungan

Pawos 30

- (1) Sahanan warga desa sane mamiarā wewalungan, patut sayaga nitenin negul utawi ngelegor mangda tan ngerusakin karang utawi paabianan krama sewos bilih - bilih jantos ngeranjing ngeletehin Kahyangan.
- (2) Prade wenten wewalungan melumbar utawi ngeleb ngerusakin karang utawi paabianan krama sewos, risampun kewara kengin ketaban tur kedanda, ngewaliang wit sane rusak saha naur penebas papiaraan tetabanan, manut pengelolika Prajuru Desa.
- (3) Prade jantos ngeletehin tegak suci, minakadi pemerajan (sanggah kemulan) risampun antuk prajuru, wenang sang nruwenang kedanda mabuhu agung tebasan-tebasan prayascita durmanggala utawi panca sata iwak bebek belang kalung prade jantos ngeletehin Kahyangan Desa utawi Pura Pemaksan.
- (4) Krama desa patut nyanggra wewalungan miwah sarwa prani, tur tan kepatut morosin sane prasida ngicalang kawerdian inucap sadereng wenten wak-wakan Prajuru utawi pituduh Guru Wisesa.

Kaping 5

B h a y a

Pawos 31

- (1) Pari indik bhaya, luwire Jiwa bhaya, Artha bhaya, dura cara ring Agama lan sane tiyosan
- (2) Sang mangguihin kehanin jiwa bhaya, patut nepak kulkul bulus mapitulung anut pawos 18 (2) aksara b lan angka (3) aksara c
- (3) Prade ring desa kehanan jiwa bhaya, patut desane ngatueang bhuta Yadnya tur sang mayanin katur ring sang ngawewenang
- (4) Prade wenten jatma memisug utawi nguman - nguman jatma tios, kekeninin pamidanda bea pecamil tebasan prayascita manut perarem

Pawos 32

- (1) Sang manggihin kehanan artha bhaya, patut ngulkul maputulung manut ring pawos 18 (2) aksara b angka (3) aksara c utawi sang kemalingan atur supeksa ring Prajuru Desa sane pacang nimbangin utawi nuntun anut Uger-uger Guru Wisesa saha mawuwuh penyanggraskara prade wenten jatma ngemaling barang sinanggeh suci.
- (2) Pratingkahe mapailon ring dusta kebawos saroro prade wenten jatma mangihin maling tan nyadokang ring Prajuru jantos jatma tios nyaduang patut kedanda kadi dandaning maling, sakweh pengargan wit manut cacakan Desa, tur prade ping tiga melaksana sapunika wenang kasukerahang ring sang ngawewenang.
- (3) Prade wenten jatma ngerereh reramon, minakadi taru, saang, daun kelapa, ron, lan sepenunggalannya tanpa sadok ring sang nruwenang , prade kacunduk (ketara) patut kedanda kadi dandaning maling
- (4) Yening wenten jatma ngerajing kepakubon wiadin kepekarangan jatma tios rikala suwung, mewastu sang madruwe karang keicalan, wenang jatma inucap ketuwekang antuk madewa sakti ring Pura Bale Agung.
- (5) Mangda tan ketuwekang manut ring ajeng asing - asing ngeranjing kubon jatma tios patut :

- a. Matenggeran suara (meksukan)
 - b. Nyantos sang nruwenag karang miwah mesadok ring pengapit pinih tampak, maka buatan pengeranjinge
 - c. Pemedal karangnya kedagingin sawen makacihna pengarah rikala suwung.
- (6) Krama Desa patut ngemargiang pakemitan ring genah sane kepastikayang oleh Prajuru, pamekas ring linggih suci utawi Kahyangan Desa manut pituduh Guru Wisesa pinaka penangkan bhaya, prade wenten mamurug janto wenten bhaya krama inucap patut kedanda manut perarem utawi keanturang ring Guru Wisesa

Kaping 6
Penyanggran Desa
Pawos 33

- (1) Krama Desa rikala ngawentenang karya suka duka, patut kesanggra antuk Desa.
- a. Prade ngewangun Pitra Yadnya utawi Manusa Yadnya wenang nunas Penyanggran Desa, manut pinunas sang meyadnya
 - b. Upacara Pitra Yadnya kemargiang risampun polih uwak - uwakan Prajuru Desa.
 - c. Pangerombe utawi karya Gotong Royong Krama sepuputa, sejaba ngewangun Pitra Yadnya pelebon utawi ngaben niri - niri, polih pangerobe gotong royong saking Krama wantah ping tiga, selangkungnyane katuran pingu.
 - d. Pingu rikala Pitra Yadnya anut abot dangan yadnya prade sakeng semeng ngantos wengi katuran pingu ping kalih.
- (2) Krama Desa sajeroning ngemargiang pangerombe utawi penyanggra ring sang meyadnya angka (1) wantah rauh ring kakuwuban pekarangan krama ngarep utawi Batan Pahan.

Kaping 7
Indik Pariwerta
Pawos 34

- (1) Sehanan warga Desa adat tan kapatutang majejemuhan, ngutang laluhi, mebacin ring margi Agung tur ring genah sane nenten kapatutang sane prasida ngicalanag pasukertan Desa Pakraman.

- (2) Krama Desa patut ngewerdiang ring sajeroning setra Adat nandur sarwa sari mangda setra inucap pekantenannyane asri
- (3) Telajakan karang sane majeng Margi Agung, Merajan, Karang Sikut Satak patut kapiara nyabran rahina tut katandurem sarwa sari
- (4) Sahanan Warga Desa Adat patut mabersih - bersih nyabran rahina ring karang paumahan sami sakeng telajakan ring areng rawuhin got/kekalen lan Margi Agung
- (5) Soang - soang pekarangan utawi Kepala Kulawarga (KK) mangda madruwe Kakus, miwah genah leluhu
- (6) Soang - soang pekarangan mangda mapanyengker anut pawos 26 angka (3) saha medaging angkul - angkul
- (7) Sang sapa sira ugi sane mamurug pidabdab inucap patut keni pamidanda manut perarem.

SARGA IV
SUKERTA TATA AGAMA
Palet I
Indik Dewa Yadnya
Pawos 35

- 1) Pelinggih penyiwian sewidangan Desa Adat Undisan Kelod Iuwire :
 1. Kahyangan tiga : Pura Bale Agung, Pura Puseh miwah Pura Dalem
 2. Pura Puncak Sari Kidul.
 3. Pura Panti.
 4. Pura Sema.
- 2) Rahina piodalan soang - soang Kahyangan kadi ring sor :
 1. Pura Puseh lan Bale Agung rikala Budha Kliwon Dungulan.
 2. Pura Dalem rikala Bhuda Wage Langkir.
 3. Pura Puncak Sari ritatkala Anggara Kliwon Medangsia.
 4. Pura Panti rikala Saniscara Kliwon Landep.
 5. Pura Sema rikala Budha Wage Kelawu

- (3) Pengaci ring pura-pura inucap manut kecap Sastra Agama saha kangkat kelaksanayang, nista, madya, utama, manut kawentenan lan perarem.
- (4) Rikala ngelaksanayang piodalan utawi karya sadereng ngemargiang pamuspaan patut kariyinin antuk Tri Sandhya.
- (5) Soang - soang Pura inucap ring ajeng kaempon untuk Krama Desa Adat Undisan Kelod, sejawaning pemargi aci utawi rahina pujawali kelaksanayang antuk kecantur Banjar Tempek kemarginin magilir manut perarem, lan pemargi - pemargi yadnya tiyosan manut perarem.

Pawos 36

- (1) Ring Parhyangan Desa Adat Undisan Kelod patut ngadegang Pemangku Kahyangan Desa, lan Pemangku Prajapati utawi sanistane patut ngemanggehang Balian Desa.
- (2) Ngadegang Pemangku inucap angka (1) manut dudonan :
 - a. Nyanjaan utawi masemurang, soang - soang mapiteges mapinunas ring ajeng Parhyangan Desa utawi ring Balian sonteng, lan sepenunggilannya.
 - b. Turunan utawi ngewaris.
 - c. Kecatri (pilihan Krama Desa).
 - d. Mawiwit sakeng Krama Desa Adat Undisan Kelod.
- (3) Tan'kawenang keadegang dados pemangku, luwire
 - a. Cendangga, luwire : pecang, perot, cungh lan sepenunggilannya.
 - b. Sang sapa sira ugi sane tan kepatutang anut perarem.
 - c. Sakit ila, ayan, buduh wiadin edan.
 - d. Sane mederbe kesucian urip tan becik.
- (4) Prabya kepemangkuan :
 - a. Adiksa Widhi (ngawintenin) kemenggala saha kelaksayang antuk sang ngedegang, mekadi Krama Desa utawi pagempon pura soang - soang.
 - b. Mapitra Yadnya riwekas, patut kalaksanayang antuk Krama Desa utawi pengemong, sanistane Brahma Prayascita, Penyanggra manut perarem, prade yadnya kelaksanayang antuk kulawarga pemangku.
 - c. Pemargi Adiksa Widhi lan mapitra yadnya riwekas patut kelaksanayang rauh rabin sira pemangku.

- (5) Pemangku patut ngemanggehang sesananing pemangku, luwire tan wenang ajejuden, semara dudu miwah brata siosan manut Sila Kramaning aguron - guron.

Pawos 37

Swadharman Pemangku luwire :

- a. Ngenterang upakara utawi Ydnya ring Parhyangan Desa Adat, sahâ kangkat ngenterang upakara ring sajeroning soang - soang Pakubon Krama utawi ring pemaksan.
- b. Tan wenang salab sulub yan mamurug wenang pemangku inucap nyepuhin raga.
- c. Prade sinalih tunggil pemangku Kahyangan Tiga kapiambeng kengin nyelang Pemangku Kahyangan Tiga ring Desa utawi nuur sang Sulinggih, sahe tan kapatutang nganggen pemangku pemaksan ngatebenang sajeroning muputang yadnya.
- d. Semaliha ring sampun pemangku ngayah tigang rahina ring pura kancit wenten kulawargania padem, mangku inucap tan keneng cuntaka, sakewanten mangkui tan budal selami piodalan.
- e. Pemangku Desa tan kawenang dados Kelihan Banjar utawi dados prajuru tiosan manut perarem.
- f. Pemangku Prajapati utawi Balian Desa kengin muput yadnya ngawit linggih prajapati ring pakubon sang kelayu sekaran jantos ngantebang anut sedan yadnya.

Pawos 38

Penyolasan miwah sarin canang sakeng aturan upakara lan soang - soang Krama Desa manut dresta.

Luput pekaryan tan rerampen, pedagingan keni kadi patut.

Polih upon pelaba manut perarem.

Busana asapuradeg nyabran ngemasa

Tios - tiosan manut perarem.

Pawos 39

- (1) Pemangku kegentosin riantukan :
- Seda.
 - Pinunas ngeraga, menawi kageringan lan sepenunggalnya
 - Kawusanang antuk krama sangkaning melaksana sane tan patut (Asta Dusta)

Pawos 40

Kasukertan Kahyangan Kadi Ring Sor

- Tan Kalugra ngeranjing ke Pure luire :
 - Sang katiban cuntaka, mekadi sebel sakeng ngeraga
 - Sebel kandel ngerajasula, selami dereng mebersih.
 - Sebel madruwe putra, selami dereng kepus odel sane lanang, saha sane istri ngantos 42 rahina utawi akambuhan.
 - Sebel poengantenan, selami dereng mabiyakala, miwah cuntaka sangklaning kepadaman manut senger.
 - Sebel riantukan madruwe keluarga kepadaman/kelayusckaran selami dereng ngelaksanayang Upakara Mesapuh utawi Nyeeb Brahma.
 - Makta sehanan barang sinanggeh ngelethin.
 - Sato agung sejawaning rikala mapepada.
 - Mabusana tan manut kadi tata caraning ngeranjing ke Pura lan wong edan.
 - Sederang polih wak-wakan (pituduh) Prajuru utawi Pemangku Desa.
- Pratingkahe tan wenang ring Pura :
 - Masumpah (cor), sejawaning pituduh Prajuru.
 - Makobekan, masesenengan, makolem dados asiki lanang wadon, mebacin, mewarih, nyangsang busana, mececepin anak alit, menahin pusungan, lan ajejuden.
 - Munggah tedun palinggih sejawaning pituduh Prajuru utawi Pemangku
- Sang mainurug kecaping ajeng, keni pamidanda pemerayascita sepatutnya

Pawos 41

- (1) Yen wenten jatma keawuhan ring Pura, kengin kapintonin prade rumasa kesumbangsayan, yan tan wiakti, jatma inucap kesisipang saha kedanda prayascita.
- (2) Prade ring Kahyangan kehanan durmanggala, minakadi kepanca bhaya, pemangku Kahyangan Desa patut digelis nyadokang ring prajuru mangda marumag krama desa tur ngawentenang pemerayascita sepatutnya.

Palet 2

Indik Resi Yadnya

Pawos 42

- (1) Sang pacang madeg Pandita utawi Pinandita minakadi dalang saluire jagi ngenterang yadnya patut mesadok ring Prajuru Desa kalih Parisada Hindu Dharma Indonesia.
- (2) Prajuru Desa patut ngawas nitenin tur mnaweg ngalangin prade wenten kacihna sasar kekecap miwah drestane, tur sareng nyaksinin upakara saha nyiarang ring paruman desa tegep rawuhing wates kawenangan ngenterang yadnya.
- (3) Krama desa patut ngaturang ayah sepemadeg miwah ring pengelepas sang sulinggih riwekas katuntun antuk Prajuru.

Pawos 43

- (1) Sang sulinggih patut ngertiyinang ngayunin ring wawidangan jagat Desa Adat Undisan Kelod sesampune puput wawu kangkat muputang yadnya kejebar tios jagat utawi kedura desa.
- (2) Krama Desa sami patut sareng ngawas nitenin ketuntun antuk Prajuru, mangda sehanan yadnya sane kawentenang kaicen pemuput olih Pedanda utawi Pinandita manut kawenangnya soang - soang.

Palet 3
Indik Pitra Yadnya
Pawos 44

Pemargin Pitra Yadnya madudonan manut sekadi ring sor :

Pengupakaran sane kelayu sekar :

- a. antuk mendem utawi ngeseng maka cihna pakingsan ring Ibu Pertiwi utawi ring geni selami nuptupang prabaya utawi nganutang padewasan.
- b. Atiwa - tiwa (upakara pengabenan/pelebon).

Upakara-upacara Pitra Yadnya riwusan keabenang mewastu munggah daun bingin (ngeroras) wawu kekaryanang palinggih Desa Hyang Bhatari.

Pawos 45

wadharmaning lan tetegenan prade wenten sinalih tunggil Krama Kelayu sekaran :

1) Sang kaduhkitan patut :

1. Nyadokang ring Bendesa Adat utawi Kelihan Banjar tur nunas tetimbangan ring kawentenannya
2. Ngaturin Krama ngerombo mekarya ateh-ateh sawa kedulurin panyembrahma canang sesida antuk ring pengerombo nganter ke setra.
3. Prajuru Adat maritatas pemargin sang kaduhkitan, napike pacang kependem, makingsan riyin utawi lantur keabenang.
4. a. Indik Salah Pati lan Ngulah Pati manut putusan pesamuan Agung Pura Sulinggih lan Walaka ring Campuan Ubud, 21 Oktober 1961 sang Kelayu sekaran kadi Salah Pati lan Ngulah Pati patut kebawos mati bener (seda biasa) saha kangkat kaupakara kadi ngupakara sawa seda biasa sane sampun ketah memargi, saha kadulurin antuk upakara penebusan lan pangulapan manut Sastra Agama Hindu.
b. Sang sane seda utawi inucap aksara a, utawi seda ring Pura Desa, Rumah Sakit lan genah-genah sane siosan, sedereng kaupakara, kangkat keajak budal kepakubonnya, saha selanturnyanne patut kaupakra manut Sastra Agama.
5. Penyanggran Banjar selanturnya.
a. Soang-soang Krama patut nedunan patus kadi pemargi sane sampun kasungkemin manut perarem.

- b. Ngerombo ngaryanin eteh - eteh sawa, saha kesarengin antuk Krama sane rawuh, maaksian.
 - c. Sami Krama Banjar nganter kesetra jantos pemendeman puput.
- (2) Tan kengin ngelelet sawa langkung ring awuku utawiu pitung rahina sejawaning Pandita tur patur polih pagebagan anut paetangan Prajuru selami sawa dereng ke setra jantos awegi risampun ke setra.
- (3) Tan kalugra mendem sawa rikala :
1. Wuku was penganten
 2. Semut sedulur
 3. Kala gotongan
 4. Larung : Wraspati penanggal/pangelong ping 6 (nem).
 5. Gagak anungsang pati, penanggal ping 9 (siya)
 6. Ingkel wong
 7. Rerahinan jagat
 - a. Pumama
 - b. Tilem
 - c. Purwani
 - d. Kajeng kliwon
 - e. Pasah
 - f. Buda kliwon
 - g. Tumpek
 - h. Buda wage (buda cemeng)
 - i. Anggar kasih (Anggara kliwon)
 - j. Saniscara umanis Watugunung
 - k. Redite Umanius Ukir (Odalana Bhatara Guru)
 - l. Wuku Walanggati, penanggal ping 11 (solas)
 8. Wuku langkir ngantos Budha Kliwon Paang, (buncal balung)
 9. Sasih ke 10 (dasa) tanggal ping 13 (telulas)
 10. Dadig Krama
 11. Naga Naut
 12. Pangelong ping siki (1) ping nem (6) lan ping pat belas (14)
 13. Dewasa kekeran manut desa adat.
- (4) Prade wenten kalayu sekar, rikala piodalan, kengin kasurupang tan maupakara tanpa sadok tur memargi wengi.

- 5) Tan kalugra nginepang bangbang
- 6) Prade sane kelayu sekaran ngadut manik, patut manik inucap kawijilang riyin wawu kaupakara.
- 7) Tata cara ngange setra manut pactangan prajuru miwah dresta, saha utawi sane madruwe kepatutan inucap patut miara karasikan gegumuk, inucap mangda pekantenannya asri.
- 8) Prade pacang mendem utawi ngabenang sawa ring setra Desa Adat sane saderengnyane, tan ngeranjing dados Warga Desa Adat (kerob) utawi mawit sakeng Desa Adat tiyos, patut nawur penanjung Batu kewastanin, akehnyane manut perarem.

Pawos 46

- Sane kasinanggeh kacuntaka sekadi ring sor
 - a. Cuntaka antuk kelayu sekar.
 - b. Cuntaka antuk ngeraja swala.
 - c. Cuntaka antuk ngembasang putra.
 - d. Cuntaka antuk keruron.
 - e. Cuntaka antuk sakit ila/buduh.
 - f. Cuntaka antuk pawiwahan.
 - g. Cuntaka antuk gamig gamana.
 - h. Cuntaka antuk salah timpal
 - i. cuntaka yening wenten anak istri mobot nenten kaupakara pabiakawonan tur pawidiwidana.
 - j. Cuntaka antuk memitra ngalang.
 - k. Cuntakan antuk yening wenten anak istri ngembasang putra sadurung maupakara pabiukawonan tur pawidiwidana.

Sengker Cuntaka manut kawentenannya :

- a. Cuntaka kelayu sekar, cuntakannia 12 (roras) rahina manut sekadi loka dresta miwah sastra dresta Desa Adat Undisan Kelod utawi nyantos Nyceb Brahma.
- b. Cuntaka ngeraja swala, 3 (tigang) rahina ngawit saking ngeraja swala utawi selami ngeraja swala.

- c. Cuntaka ngembasang putra, kepus Odel sane lanang ngawit saking putrane embas, utawi ngantos sampun kaupakarayang mekekambuhan tur meperayascita manut sekadi agama, sane istri
- d. Cuntaka keruron, cuntaka nia abulan pitung rahina (42) rahina tur sampun matirta pemerayascita, lanang 3 (tigang) rahina
- e. Cuntaka pawiwahan, cuntakania ngantos sesampun matirta pabiakawonan.
- f. Cuntaka gamia gamang, cuntakania ngantos sesampune kepalasang utawi mesapihan tur sampun kawentenang pemerayascita raga tur kawentenang pemerayascita desa adat/kahyangan.
- g. Cuntaka salah timpal, kapuputang sekadi manut ring agama Hindu antuk Krama Desa Adat Undisan Kelod.
- h. Cuntaka anak istri mobot nenten kewentenang upakara pabiakawonan, cuntakania ngantos kawentenang upakara pabiakawonan.
- i. Cuntaka mamitra ngalang, cuntakania ngantos kawentenang upakara pabiakawonan.
- j. Ngembas putra nenten ngawentenang upakara pabiakawonan miwah upakara pawidiwidana, cuntakania ngantos wenten sane memeras sang putra, tur sampun kewentenan upakara sekadi manut ring ajaran Agama Hindu.
- k. Prade sinalih tunggil warga Desa wenten ngembasang Putra kembar utawi buncing tan patut kebawis ngeletehin Desa dwaning sapunika cuntakania pateh sekadi ngembasang putra biasa.
- l. Sad Tatayi cuntakania ngantos maprascita raga tur nenten kedadosang ngemargiang upakara Dwijati.

Cuntaka Kelayu sekar/kepademan :

- a. Kependem cuntakania :
 - 1. Pengapit, pemapas/penumbak pekarangan lan Desa ngantos 3 (tigang) rahina saha sampun mesapuh.
 - 2. Kulawarga ngarep 12 (roras) rahina saha sampun mesapuh.
- b. Keaben cuntakania :

Sang nyabut karya Pitra yadnya cuntakania ngawit sakeng negtegang rauh riwus nyadnyannia (mepegat) saha sampun mesapuh.

- (4) Sane ketiban cuntaka luire
- a. Kelayu sekaran sane kacuntaka
 1. Sang sane kelayu sekaran
 2. Kulawargania
 3. Desa tigang rahina
 - b. Ngeraja swala sane kacuntaka sang sane ngeraja swala
 - c. Ngembas putra, sane kacuntaka kulawargania sane ngembasang putra lanang wiadin istri
 - d. Pawiwahan, sahe kacuntaka sang sane kaupakara pawiwahan lanag wiadin istri.
 - e. Keruron, sane kacuntaka kulawargania lanang wiadin istri.
 - f. Gamia gamana, sane kacuntaka sang sane ngelaksanayang gamia gemana lan desa adat nyane.
 - g. Anak istri mobot sane tan kewentenang upakara pabiakaonan, sahe kacuntaka sane meraga istri (sane mobot)
 - h. Memitra ngalang, kacuntaka sane ngelaksanayang memitra ngalang.
 - i. Ngembas putra tan kawentenang upakara pabiakaonan miwah upakara pawidiwidana sane kacuntaka :
 1. Sang sane ngembas putra
 2. Putra sane embas
 - a. Sad Tatayi sane cuntaka sang lumaku

Pawos 47

- (1) Atiwa - tiwa (pengabenan). kelaksanayang manut dresta saha manut penguptin sang meyadnya.
- (2) Penemayan Pengabenan wenten kalih pawos :
 - a. Ngaben dadakan/bahbangun, kedadosang sejeroning mesengker awuku utawi 7 (pitung) rahina sejawaning pandita.
 - b. Ngaben nuasa niri - niri lan ngaben ngemasa sejeroning bebanjaran

Pawos 48

- (1) Peputusan pengabenan sakeng Krama sekadi ring sor :
 - a. Ngaben dadakan : beras 1 Kg, adeng kalih bungkul, kelapa kalih bungkul, gesing akatih, kelangsah apapah lan jinah manut perarem

- b. Ngaben nuasa niri - niri lan ngaben ngemasa sajeroning bebanjaran, patus nyanne pateh sekadi aksara a.
- (2) Sang madruwe Kelayu sekaran polih pengerombe sakeng Krama manut pinunas sang meyadnya sadereng karya, saha indik patedunan krama lanang wiadin istri manut kawentenan karya tur manut sekadi pinunas sang meyadnya.
- (3) Sang sane sajeroning ngemargiang pengabenan tan kepatutang ngewales jenukan, sajawaning ngaturang rayunan ring sang sane rawuh kangkat manut kawentenan sang meyadnya.

Pawos 49

- (1) Sajeroning Krama Desa nyanggra Pitra Yadnya. Prade Krama sane nyambut karya matempungang sawa sane mawit sakeng Desa Adat tiosan utawi pecak tan ngeranjing dados Warga Desa Adat (kerob), patut nawur karya soang - soang sawa manut perarem.
- (2) Prade sinalih tunggil Krama Desa pacang matempungang sawa ketiyos Desa Adat sajeroning ngewangun Pitra Yadnya, krama Desa patut ngerombe ritakala nanging sawa kemawon ngantos puput ring Setra saha sang madruwe karya wantah patut ngaturang payembrama sawentane.
- (3) Tios - tiosan pemargin atiwa - tiwa kadi inucaping ajeng indik pemargi - pemargi anut pidabdab.

Palet 4

Indik Manusa Yadnya

Pawos 50

- (1) Krama Yadnya inggih punika upacara - upacara dharmaning manusa, ngawit sakeng patemoning kama bang sajeroning garba, ngantos kelayu sekar riwekas.
- (2) Upacara kadi ring ajeng madudonan kadi ring sor :
- Megedong-gedongan duk pengerampinian ibyang
 - Duk sang kama reka medal
 - Kepus odel lan roras rahina.
 - Tutug kambuhan 42 (petang dasa kalih) rahina.
 - Ningang sasihin.

- f. Pawetuan/oton/odalan (enam sasih).
 - g. Tutug kelih (ngeraja wedana, ngembakin utawi ngeraja singa lanange)
 - h. Metatah (mepandes)
 - i. Mawiwaha
 - j. Mewinten
- (3) Upacara - upacara inucapo nista, madya, utama manut sastra agama saha catur dresta maka buatan desa dresta ngawinang sima cara desa.

Palet 5

Indik Butha Yadnya

Pawos 51

- (1) Butha Yadnya inggih punika upacara biakala ring pertiwi lan kayangan, sarwa perani saha upacara-upacara ring bebutan.
- (2) Upacara biakala ring sarwa perani, luwire :
 - a. Ring sarwa tumuwuh ritatkala tumpek Pengarah (Saniscara Kliwon Wariga).
 - b. Ring sarwa ingon - ingon rikala tumpek Uye (Saniscara Kliwon Uye)
 - c. Upacara pakala - kala manusa anut wiguna, kebawos pabyakala
- (3) Upacara pabyakala ring partiwi, kahyangan lan bebhutan kewastanin mecaru.
- (4) Upacara inucap ring ajeng, nista, madya, utama, manut wiguna kadi ring sor :
 - a. Eka Sata
 - b. Panca Sata
 - c. Panca Sanak
 - d. Resi gana
 - e. Taur agung
 - f. Panca Kelud
- (5) Sejawaning kadi ring ajeng kewentenang upakara :
 - a. Majot-jotan utawi Yadnya Sesa nyabran wusan ngeratang.
 - b. Mesapu - sapuh rikala pacang wali ring pura
 - c. Pecaruan ngesasih manut daging pustaka Rogha Senggara Bumi.

- (1) Ring pengelompok ping telulas Sasih Kesanga patut kemargiang upacara Bhatara Turun Kabeh melasti utawi melis
- (2) Ngangken ngewarsan rikalaning Tifem Kesanga kawentenang tawur kesanga, ketah kebawos ngerupuk maka cihna pacang mapag .rainan penyepian benjangne
 - a Amati geni, tan kengin meapi-api
 - b Amat karya tan kening nyambut karya
 - c Amati lelungan, tan kengin maoneng-onengan, masuara goro lan sepenunggalnya
 - d Amati lelungan, tan kengin malung - lungaan
- (4) Paberatan inucap kemargiang sakeng semeng ngantos benjangne semeng raris kasuarayang kulkul pinaka cihna pengembak
- (5) Sang mamurug kecaping ajeng keni pamidanda manut, perarem desa adat kemargiang antuk petelik (pecalang desa)
- (6) Riwus rahina Nyepi benjangne maka cihna pengawit Icaka Warsa patut soang-soang warga desa sami ngaksana utawi medhanna Canti ring Bale Banjar Pesamuan utawi Wantilan.

SARGA V

SUKERTA TATA PAWONGAN

Palet I

Indik Pawiwahan

Pawos 53

- (1) Pawiwahan inggih punika petemoning purusa predana melarapan panunggalan kayun suka cita maduluran upasaksi sekala niskala
- (2) Penglaksana pawiwahan luwire
 - a Pepandikan kemanggala antuk pakrunan.
 - b Ngerorod, merangkat riyin wawu kakrunayang
 - c Nyeburin utawi sentana nyeburin risampin nganutin upakara pamerasan

- (3) Pidabdab sang pacang mawiwaha patut
- Sampun manggeh deha teruna (presida nganutin Undang-Undang Perkawinan)
 - Sangkaning pada rena (tan kepaksa)
 - Manut kecaping agama (tan Gamra gamana)
 - Kawisudayang (Sudi Wadani) prade pengambilé tiros agama miwah kepati wangi.
- (4) Pemargin pawiwahan mangda taler nganutin Undang-Undang Perkawinan saking sng ngawewenang, saha pamekas ring sang mawiwaha sane manggeh patut nyukserahang prebeya Penyuratan Pawiwahan ring Prajuru akehnyanne manut perarem

Pawos 54

- (1) Pawiwahan sane kepatutang ring desa sekadi ring sor :
- Sampun kemargiang pabyakala utawi pesakapan, kesaksiang sekala niskala antuk Prajuru lan kapuput antuk pandita utawi pinandita
 - Wenten pesaksi Prajuru sane mapekalingang utawi ngilikitayang pawiwahan.
 - Prade sang mawiwaha ketiyos Desa, sane ngambil patut nawur prabeya pangelus kerob akehnyanne manut perarem, lan indik prabeya penyuratan inucap pawos 53 angka (4) luput.
 - Sampun matengeran suaran kulkul maka cihna sampuh sah meperabian
 - Pawiwahan inucap ring ajeng sampun kasuratang ring Kantor Camat lantur ke Kantor Catatatan Sipil Kabupaten Daerah Tingkat II Bali.
- (2) Perabian sane tan manut kadi ring ajeng sinanggeh tan patut.

Pawos 55

Tata caraning perabian patut sekadi ring sor

- Sapa sira ugi pacang ngewarangang pakulawarga patut mesadok ring Prajuru, selanturnya prajuru maritatas anut tan manut kekecap perabiane
- Pemargin pepandikan anut dudonan :

1. Pakrunan jantos ping tiga : saha soang-soang melarapan antuk :
 - a. Antuk canang Taksu mewasta pakrunan.
 - b. Kaping kalih antuk canang lekesan, mewasta ngaluku.
 - c. Kapung tiga antuk tipat bantal, sajeng lan arak kebawos pemuput pepadikan.
 2. Risampun puput raris sang istri keajak budal ring pakubon sang lanang, saha kalanturang antuk pabyakala
 3. Mangda puput tumus sekala niskala, raris kulawarga purusa makta pejati matipat bantal ring merajan wadone.
- c. Prade ngerorod/merangkat patut :
1. Reraman lanange ngewntenang pamilaku antuk duta sekirangan 2 (kalih) diri, melarapan mata sewalapatra nyantenang sang merangkat maka cihna sang kalih lulut asih utawi pada rena, sane taler kelingga tangganin antuk Prajuru Desa, Kelihan Dinas lan Kepala Desa utawi Pejabat sane madruwe kawenangan kadi inucap.
 2. Pegenahan antene tan kengin pakubon sang lanang sadereng mabyakala.
- d. Sajeroning pakrunan/pengelukuan patut
1. Kamenggala antuk geng pengampura arep ring reraman wadone.
 2. Kaigumang bawos indik kapurusa utawi prade pelegayan arep ring pasuwakan sang ngidih saha dewasa pakrab kambean riwekas.
 3. Kecihnayang indik kapurusa utawi prade sentana rajeg kajejerang kepatut ngidih anak lanang sane kebawos pawiwahan nyeburin, tur risampun sulur pamerasan kategepin kamanggahan sentana nyeburin.
 4. Prade tan terima pelakuan pejati pakrunan kemargiang jantos ping tiga, yening antene sampun nganutin pidabdab sang pacang mawiwaha, upakara patut kelaksanayang saha kamanggala antuk Prajuru Adat.
- e. Pekrabkambean mapiteges upacara tindas apadang (puput) antuk sarana jejauman manut sekadi ring sor :
1. Sajeroning kabawos ambe, kelaksanayang ring sekala niskala antuk sarana jemauman miwah pawidhiwidana :
 - a. Jejauman pinaka ngambe/ngadungan kayun soang-soang pakulawarga wadone.

- b. Widhi widana pinaka pejati niskala nunas wadone ring pemerajan utawi kawitannya
- 2. Sajeroning bawos kerab pelaksanana ring sekala :
 - a. Antuk pesaksi Krama Desa dwaning kekerabang antuk tenggeran kulkul.
 - b. Pamekas penyaksi Prajuru saha ngilikitayang

Palet 2

Indik Nyapian

Pawos 56

- (1) Pawiwahan praside kawusang melarapan antuk palasa perabian utawi kapendem.
- (2) Wusan mapikuren riantukan sinalih tunggil seda mapiteges balu, mekadi balu lanang utawi istri
- (3) Palas perabian wenten kalis pawos, inggih punika sangkaning pada lila miwah mawiwit wicara.
- (4) Sang ayat palas merabian patut atur supekta pailikitan riyin-ring snag rumawos (Pengadilan Negeri) wasti tunas apadang pemutuse kabawos nyapian wawu Prajuru nyiarang kawentenannya ring Desa saha keni pamidanda manut perarem.

Pawos 57

Tata cara palas perabian sangkaning pada arsa / lila sekadi ring sor :

- (a). Nawur prabeya pesaksi sinalih tunggiul sami matenga.
- (b) Pagunakaya polih pahan pada.
- (c) Pabekel, tatadan soang-soang kekuasa niri-niri miwah warisan kakuasa antuk purusa.
- (d) Ngeweruhinmiwah ngupajiwa pratisentana manut swadarmaning guru rupaka.

Pawos 58

Prade riwekas sang palas kacihnan adung malih patut :

- (a) Ngelaksanayang pawiwahan malih
- (b) Kedanda nikel saking palase, yadiastun wit palase pecak sangkaning pada lila (arsa).

Pawos 59

(1) Sang balu kebinayang dados :

- a. Balu luh wit sentana (wit rajeg) miwah balu luh boya sentana
- b. Balu muani kapurusa (wit sentana) miwah balu muani nyeburin (boya sentana).

(2) Swadharmaning balu inucap patut :

- a. Ngemanggehang patibrata tan kengin ngemargiang paradara utawi dratikrama.
- b. Nguasayang waris pagunahakayan, tan dados ngadol, ngadeang, makidihang lan siosan punika, sejawaning kebebasang saking pianak utawi kulawarga pinih tampek saking kurenannya prade pianak kantong alit-alit.
- c. Kengin ngidih sentana rpade wenten pidabdab sedurung sinalih tunggil padem, saha keutsahayang kabebasan antuk kulawarga singgih purusa.
- d. Kawenangang mawiwaha malih, yening sampun mawaneng tigang sasih, prade kantong mobot nyantos putrane embas.

Pawos 60

Balu kaucap tan pageh sekadi ring sor :

- a. Dratikrama utawi paradara.
- b. Matilar saking pakubon tan pesadok jantos 6 (enem) sasih.
- c. Lempas ring swadharma sewos - sewos, tan rpside ngehehin solah maprawerti arep ring pituduh kulawarga purusa.

Pawos 61

Sapa sira Ugi Warga Desa Adat Undisan Kelod tan kapatutang ngerabi wong arabi, prade mamurug kedanda manut perarem saha prade wicarania tan prasida kebawosin ring pekraman patut kasukserah ring sang ngawiwenang.

Palet 3
Indik Sentana
Pawos 62

- (1) Sentana wenten kalih pawos, sane kaucap pratisentane miwah sentana paperasan.
- (2) Pratisentana inggih punika sentane sane matu saking pawiwahane kepatut.
- (3) Prade pawiwahan tan kepatut ngewetuang sentana, mangda tan kantung kewastanin bebinjat utawi astra yogia kemanggala antuk penyanggaskara utawi sesipatan.
- (4) Prade pawiwahan tan ngewetuang sentane kengin, ngidih sentana upasaksi antuk sekala niskala sane kawastanin sentana paperasan
- (5) Sentane rajeg inggih punika, pratisentana wadon (predana) sane ngemanggehang lanang (purusa) tur risampun ngelaksanayang pawiwahan nyeburin.
- (6) Sang sane dados kearsayang dados sentana rajeg inucap wisit (5), inggih punika :
 - a. Pratisentana wadon tunggal.
 - b. Sampun kemanggehang dados pratisentana lanang (purusa)
 - c. Pawiwahan keceburin, kautamayang antuk jatma sane maagama Hindu utawi jatma sane meagama tiyosan sane sampun ngelaksanayang pamarisuda raga utawi Sudi Wadani.
 - d. Sane ngemanggehang sentana rajeg patut mapasadok ring prajuru Banjar lan Prajuru Desa patut saha Prajuru Desa patut nyiarang ring Desa Adat.

Pawos 63

- (1) Nangkat sentana manut dudonan patut makacihna artha berana pemerasan sane kesinaksiang sekala-niskala.
- (2) Sapa sira ugi krama pacang ngidih sentana patut mesadok ring Prajuru Adat sanistane asasih sedereng pemerasan.

- (3) Bendesa Adat kangkat kawakilin antuk Prajuru Adat tiosan nyiarang ring sewidangan desa, sang sapa sira ugi rumasa tan lila mangda nyadokang masenger kalih wuku sabanen pemerasan ring Bendesa Adat.
- (4) Prajuru desa digelis mawosin saha ngicenin pemutus nepek ring catur dresta miwah perarem.
- (5) Prade sulur peperasan tan manut ring keceping ajeng Prajuru Desa wenang ngandeg sane pacang mekarya, saha ngicenin penuntun, mangda kepuputang riyin bebawos / sulur utawi wicaranya.

Pawos 64

- (1) Peperasan sane ring desa risampun maka cihna :
 - a. Widhiwidana pemerasan.
 - b. Kesaksinin antuk Prajuru sane makelingang utawi ngilikitayang, tur
 - c. Kesiarang ring wewidangan desane.
- (2) Sane kepatut peras angga sentana kadi ring sor :
 - a. Jatma meagama Hindu
 - b. Pepernahan nedunang saking sang meras
 - c. Kulawarga saking purusa, prade ten wenten kengin saking wadon yening taler tan wenten wawu kengin sekuma-kama (saking kayun)
 - d. Kautamayang saking waris pancer kapurusa
 - e. Sinalih tunggil mawiwit saking kulawarga tunggal sanggah utawi merajan, paibon lan dadia ngambilin anak tios sakewanten sang meagama Hindu.
- (3) Kengin ngangkat sentana lintang ring adiri, lanang wiadin wadon

Palet 4

Indik Warisan

Pawos 65

- (1) Warisan inggih punika tetamian artha berana saha ayah - ayah ngupadi sukertan sekala niskala saking keluhurannia arep ring turunannya.
- (2) Sane sinanggeh warisan luire :

- a. Duwe tengah, mekadi karang ayahan Desa, Kahyangan, Pusaka, lan sepengunggalannya.
 - b. Pemerajan utawi sanggah.
 - c. Pegunakaya, tatadan, jiwa dana, hutang piutang
- (3) Wawu kengin kebawos warisan prade wenten :
- a. Sang mapiturun (pewaris)
 - b. Keturunan (ahli waris)
 - c. Artha berana miwah tetegenan (ayah - ayah) makacihna warisan.

Pawos 66

- (1) Ahli waris, luire :
- a. Pretisentane purusa.
 - b. Pretisentana predana (sentana rajeg)
 - c. Sentana peperasan lanang / wadon
- (2) Prade tan wenten sekadi ring ajeng, kang sinanggeh ahli waris :
- a. Turunan purusan pernah ngunggahang, rerama lanang pekak selanturipun rerama misan mindon
 - b. Turunan purusan pernah kesamping mekadi keponakan miwah mindon.
 - c. Prade putung, Krama Desa wenang niwakang ring sapa sira ugi sanc pacang kemanggehang penyeledi ring sejobag Desa Adat.

Pawos 67

Swadharmaning ahli waris patut

- (1) Nerima saha nguasayang tetamian pahan saking keluhurannia, mekudi ngerempon sanggah, pura saha pengupakarannia miwah nyeledihin ayah - ayahan pewaris.
- (2) Ngabenang pewaris saha ngelanturang upacara - upacara pitra
- (3) Nawurin hutang - hutang pewaris sane manut ilikita lan penglokika.

Pawos 68

Pengepahan warisan nganutin sekadi ring sor :

- a. Risampun kelaksanayang Pitra Yadnya lan hutang - hutang pewaris buntas ketawur
- b. Para ahli waris polih pahan pada sangkaning pegunakaya, sejabaning tanah ayahan desa, keamong antuk ahli waris kang sinanggeh krama ngarep utawi Batan Pahan.
- c. Sinalih tunggil ahli waris kengin tan polih pahan prade :
 1. Nilar kawitan lan sesananning agama.
 2. Alpaka Guru Rupaka
 3. Sentana rajeg kesah mawiwaha utawi pratisentana nyeburin, soang - soang kebawos ninggal kedaton.
- d. Boya ahli waris mkengin muponin hasil anut dudonan, luire :
 1. Sentana luh, selami dereng kesah mawiwaha utawi alpaka guru miwah prade pianak tan keangkanin antuk wong tua rare inucap, kengin ngewaris wantah pikolih (paguna kaya) sentana luh inucap kemawon.
 2. Balu luh wiadin muani nyeburin (soang - soang biya sentana).
 3. Mulih deha utawi teruna, riantukan ring pawiwahane, tatadan utawi bekal, maka cihna paweweh tetap ring pianak sane kesah mawiwaha.

Pawos 69

- (1) Prade sejeroning pakulawarga wenten ahli waris langkungan ring adiri patut :
 - a. Kawntenang paiguman indik pedum waris inucap.
 - b. Yen tan prasida katunasang tetimbangan ring Prajuru (kerat desa)
 - c. Prade taler tan wenten cumpu ring penepas kerta desa kengin ketunasang ring sng rumawos (Pengadilan).
- (2) Prae karang inucap keputungan, patut prajuru desa nibakang ring :
 - a. Sang sinanggeh ahli waris manut pawos 66.
 - b. Sang kengin anggen sentana anut pawos 64 (2) miwah (3).

- c. Prade taler tan wenten cumpu ring penepas kerta desa kengin ketunasang ring snag rumawos (Pengadilan Negeri)
- (3) Prade jantos tanah ayah Desa kepah utawi.

SARGA VI
WICARA LAN PAMIDANDA

Palet 1

Indik Wicara

Pawos 70

- (1) Sane wenang mawosin sekadi mutusang wicara ring desa inggih punika prajuru desa sinanggeh kerta desa.
- (2) Prade sang mawicara tan wenten cumpu ring pamutus kerta desa, kengin nunasang wicara inucap ring sang rumawos (Pengadilan)

Pawos 71

- (1) Sahanan wicara mawiwit kecorahan sakaluire sinanggeh nungkasin daging awig-awig, pasuara miwah perarem desa, prajuru patut digelis mawosin tan nyantos pesadok.
- (2) Sejaba wicara kadi ring ajeng patut nyantosin pesadok sang nunas bawos.
- (3) Panepasc patut pastika nyantenang iwang patut melarapan Tri Pramana (Saksi, Ilikita, Bukti) miwah tan maren nepek ring Catur dresta.

Palet 2

Indik Pamidanda

Pawos 72

- (1) Desa wenang niwakang pamidanda ring warga desa sane sisip
- (2) Peniwak inucap kelaksanayang olih Bendesa Adat.
- (3) Bacakan pamidanda luire
- a. Ayhan panukun kesuisupan.

- b. Danda artha (dosa, danda saha panikel - panikelnya miwah panikel - panikel urunan).
 - c. Rerampagan
 - d. Kedaut tanah ayahannya
 - e. Kesepekang
 - f. Penyanggaskara
- (4) Pamidanda sane katiwakang patut masorsinggih manut ring kesisipane.
- (5) Jinah utawi raja berana pamidanda ngaranjing dados druwen desa

Palet 3

Indik Rerampagan

Pawos 73

- (1) Krama sane langkungan ring tigang paruman ngelantur tan nawur urunan miwah dedendan wenang kerampag.
- (2) Rerampagan ngangge tata cara kadi ring sor :
- a. Kelaksanayang antuk Prajuru kasarengin antuk krama pinaka saksi.
 - b. Sang ngerampag patut madarsana becik ngambil artha utawi nyawenin tanem tuwuh, akehnya manut ring huitang sang kerampag.
 - c. Prajuru Desa miteketang mangda Artha sane kerampag digelis katebus, masengker awuku ring kutus rahina pacang keadol.
 - d. Tan nganinin saluwiring artha sane patut inggilang manut Agama miwah tan mademang pangupajiwa sang kerampag.

Pawos 74

- (1) Prade sang pacang kerampag ngewara (ngalangin) pelaksanaan inucap mewastu sampun tan nganutin awig-awig desa wenang karang desa sane kagenahin kedaut antuk desane.
- (2) Semaliha yan wenten purun taler ngalangin pelaksanaan kadi ring ajeng tan wenten pemargi sejawaning kesepekang utawi kenorayang anruk Krama Desane.

- (3) Pamidanda inucap ring ajeng buntas risampun sang kekaninin
 - a. Nunas geng pengampura ring Krama Desa riantukan ngauk pasubaya (pararem) pecak
 - b. Nawur pengargan penguak pasubayane duk pacang kerampag kadulurin prayascita panyapsap keiwangane ring desa

SARGA VII

NGUWAH - NGUWUHIN AWIG - AWIG

Pawos 75

- (1) Nguwah - nguwuhin awig - awig Desa Adat puniki kelaksanayang antuk Paruman Desa.
- (2) Awig - awig puniki kemargiang ngawit kaingkupin (keraremin).

Pawos 76

- (1) Sajakuring sane wenten saderengnya patut keanutang ring sedaging awig - awig.
- (2) Sakaluring sane durung kebawos sajeroning awig - awig puniki patut kelaksanayang manut tata cara sane sampun memargi kadulurin antuk perarem - perarem.

SARGA VIII

P E M U P U T

Pawos 77

- (1) Awig - awig puniki kararemin duk rahina Redite Kliwon Wuku Sungsang Sasih Jiestha Icaka Warsa 1917 Tanggal Masehi 21 Mei 1995 ngambil genah ring Bale Desa saba Paripurna Desa Adat Undisan Kelod.
- (2) Awig - awig puniki kalingga tanganin antuk prajuru Desa Adat lan Banjar Tempek kasarengin antuk Kepala Dusun Undisan Kelod lan Kepala Dusun Panca Sari lan Camat Tembuku pinaka saksi.

(3) Luwir Sang Ngelimega Tanggala :

I. Prajuru Desa :



1. Bendahar, Adat Madisar, Madad
I Made Lestari.

2. Panagliman.
I Made Mawi Wisana.

3. Penyarikan.
I Wayan Bantanta.

4. Patengen Juru Raksa.
I Made Distrik.

5. Kusinoman.
I Wayan Centos.

II. Kelihan Banjar Adat.

1. Banjar Adat Tempek Madad
Kauh/Bukit Sari,
I Made Kiker.

2. Banjar Adat Tempek
Lalakan/mekar Sari,
DW. Anom Sukaet.

3. Banjar Adat Tempek Belong,
I Nyoman Budiana.

4. Banjar Adat Tempek
Nyaunangan/Karyo Sari,
I Made Rembang.

III. Pinaka



Tembukou,
1995

Keputusan : 01 Tahun 1995



MARHAJALINGO PAMFYORU
MAREK GUS AGUNG LADIP, SH.